

IA

DIVERS.  
TRAICTES.  
HISTOR.

IA

IA

IA

IA





cm 1 2 3 4 5 6 7 8 9 10 11 12 13 14 15

1 2 3 4 5 6 7 8 9 10 11 12 13 14 15 16 17 18 19



IVRS.  
M. TES.  
HITUR.





OE xv  
754

Pièce 1	-	Daunou	381-		
2	-		912-	Pellacher	4168 <sup>bis</sup>
3	-		915	-	4618
4	-		913		
5	-		914	-	3899
6	-		916		
7	-		917		
8	-		918.		

Toutes les autres pièces sont du XVI<sup>e</sup> siècle.



EXV 754 p. verte

ancien L 4° 463

Relevé aux armes de  
de Mon avant  
les deux mariages



OE xv  
754

*Faint, illegible handwriting, possibly bleed-through from the reverse side of the page.*



# Les epita

Phes des feuz roys Loys Vnziesme de ce nom &  
de Charles son filz Viii. de ce nom que dieu abs  
soille. Et la piteuse complainte de dame crestien  
te sur la mort du feu roy Charles avec la coms  
plainte des trois estatz.



cm 1 2 3 4 5 6 7 8 9 10 11 12 13 14 15



**E** ppytaphie du feu roy loys .xi. de ce nom!



Et fuz loys .xi. de ce nom roy de france  
moult me greua fortune tost apres  
mon enfance

Mon pere le roy charles septiesme  
me chassa

Je fuz hors du royaume iusques il trespassa

**E**n flandres en brenanc longuemēt fuz tenu  
Par le duc de bourgongne philippes: & soustenu  
Puis fuz en sa presence sacre & couronne

En grant pompe & triumphe a paris amene

**E** je esleuay basses gens & mis en grant degre  
Que les fetours de france ne prindrēt pas en gre

Mon royaume trouuay entier & pacifique

Jusques a lentreprinse quon dit le le biē publicq

**Q**ue charles mō feu frere & autres mirēt sus  
Mais louenge a dieu ien vins a mon dessus  
Et demouray puissant en la fin sur eulx tous  
Mes ennemys deboutay & remis au dessous

**C**inquāte mille anglois q̄ le roy d'angleterre  
& douart amena pour emahir ma terre  
Sans faire effusion de sang ne perdre place  
Chassay hors mon royaume dieu men donna la  
grace

**A** picqueny fut faicte la veue de nous deux  
Dōt le duc de bourgōgne charles fut biē peneux  
Out pour france greuer les auoit fait venir  
Mais ilz sen retournerēt: bien en peut souuentir

**E** je cōquis roussillon sardaigne en peu de space



Artois & plusieurs Billes: Bourgoigne haulte et  
basse en ma main mis prouence / anjou / guyse &  
le maine. Jay augmente de toutes pars mon roy  
aume & demaine.

Je donay aux eglises grant somme en mains lieux  
En deniers en rentes: or lait prins engre dieux  
Aux flamans donay paiz en mariant mon filz  
En fin en mon royaume ce singulier bien feiz

Toz nay bien contentes ne a tous nay complu  
Jay mon regne conduit ainsi que dieu a pleu  
aux motifs trespassay daoust en la fin du mois  
Lan mil, cccc, quatre, xx, avec trois

Je ordonne q mon corps fust deuât la belle dame  
De clery en sepulture que chascun teclame  
Et que charles mon filz regner aps moy puisse  
Longuement & en paiz du royaume iouisse  
amen

¶ Lepitaphe du feu roy charles, viii, de ce nom

**L**e hault seigneur q en toz siecles regne  
q il lui a pleu faire faillir au regne  
Loyz vnziesme de qui suis filz essu  
apres auoir fil de vie tisseu

Par treze annees me daigna en testage  
Possesseur de royal heritage  
Es premiers ans fus de guerre assailly  
Victorieux toute fois en sailly

¶ Bretaigne mys soubz mon obestance  
Et en obtins paisible iouissance  
Et quant ie fus duc de toute Bretaigne



La dame prins pour espouse & compaignie  
Henry fuytif de son propre pays  
Par moy fut roy: des anglois enuays  
Je garentis guyenne & normandie  
De mes contraires. si feis ie picardie  
Bourgoigne mys en tranquillite telle  
Quen mon viuant ny eut playe mortelle  
**¶** Au roy de spaigne roussillon ie feis rendre  
Par force non / mais pour amictie prendre  
Ames cousins ne voulus courir sus  
Des aduersaires suis venu au dessus  
Arme aux fiers amour aux bons partie  
Ma fait gagner lune & lautre partie  
En brion lors mon royaume mys  
Environne de tous loyaux amys  
Ainsi ten fis selon le mien office  
Gardin de paix: tout enclos de iustice  
Dont bien pouoye querir repos en temps  
Et demourer entre tous roys contens  
Mais franc vouloit & desir de conquerre  
Le mien pays & lointaine terre  
Occupee de strangiers possesseurs  
Dont seigneurs furent les miens predecesseurs  
Cela me fist par sens: non par folie  
Passer oultre le pays d'italie  
Au saint pere loberissance feis  
Ainsi que doit deuot & loyal filz  
Puis men allay mon emprinse parfaire  
Du tant me fut propice a mon affaire  
Le createur quen triumpgant affaire  
Peu iours apres de cecille fus Roy  
Sans destourbier ne aucun desarrooy



Et par pouoir & songneuse poursuytte  
mes ennemyz firent honteuse fuytte  
¶ A mon retour voulurent ytalens  
me desconfire & mettre en leurs liens  
mais ie passay a peu de compaignie  
Sur les ventres de toute leur mesgnie;  
Et retournay monstrant vainqueur ce iour  
Lespee au poing en mon propre setour  
Et deliuray de moult cruel affaire  
Le mien frere Sorleans a nouaitre  
Que reste plus iay tousiours eu enuie  
Par faitz amtables faire lire ma Vie  
¶ Jay honnoure deseruant charite  
Toute leglise en grant humilite  
Nobles ont eu leurs deuoirs & leurs rentes  
Tous endroit soy sans rigueurs violentes  
En seure paiz labour soubz mon escu  
Plus eusse fait se plus eusse rescu  
mais atropos ainsi quez dieu lor donne  
Qui demollist royal ceptre & couronne  
Et fait le grant faillir & abregier  
Tout aussi tost que vng poure bergier  
¶ Apres auoir tant de forces douteres  
Terres & mers par force surmontees  
Comme elle prent a tuer gens deduit  
Non de mes ans venu a vingt & huyt  
Vng same dy le iour d'auril septiesme  
De dart poingnat me rendit mort & blesme  
¶ En mon chasteau samboise ou na squi  
Or rendre dont fault graces; & a qui  
A cil puissant que createur on clame  
A fin quil ait mercy de ma poure ame



Et la prengne par son signe plaisir  
Le corps sen da soubz la terre geste  
Jesus amen: cest fin ainsi soit il

**¶** Cy finissent les epitaphes Et apres  
ensuiuent les regres & complaintes de das  
me crestiente.

(110)  
voir ci-apres

**¶** Ne dois te point griefment me cōplaindre  
Par pleurs par plains & p lermes me plaindre  
Crier gemir et faire grans regretz  
Ne doy te point mon cueur en dueil l'contraindre  
Ne doy te point mon piteux cueur empraindre  
Des grans soupirs poignans & tresgrecz  
Que il ny eut entre troyans & grecz  
Si grant douleur que celle que ie porte  
Las ay te tort si ie me desconforte  
Se ie lamente me deuez vous blasmer  
De fort gemir mes enfans vous enorte  
Car l'alliance des crestiens est morte  
La faulse mort la fait roide pasmer  
**¶** Belle floza ce premier iour de may  
Que zephirus ta donne le beau may  
Et que on deuolt faire ioyeuse chere  
Nous auons eu pour dicte chant ou lay  
Gemissement tant de clerc que de lay  
Esbatz de nous se sont tirez arriere  
Nous auons deu la contristable biere  
Du repose le corps de nostre roy  
Nous auons deu le piteux desarrooy  
Que mort'a fait en ce pays de france  
Nous auons deu ses cheuaults & charroy  
Nous auons deu son triumphant arroy  
Portant le dueil & remply de souffrance



**Q**ua l'achests attropos a destruit  
Le noble roy st sage a st bien instruit  
Avant quil eust les ans dun parfait homme  
Cloto cloto ton fil st bien construit  
St bien tressu qui faisoit tant de fruit  
Est mis au bas: il a prins mortel somme  
**E** la faulse seur qui tous humains consume  
La rue tus /palle /mort a transp  
Pas ne cuidote quil en allast ainsi  
Promis mauoit de faire mons a dault  
Et ses subgetz tenir en paiz aussi  
Il eust ce fait: a paracheue. si  
La faulse mort neust estendu sa faulx  
**Q**ues tu bien plaine doultre cuidance  
Fiere attropos qui te sbas a qui dance  
Quant les humains tu naures de ton dard;  
Dauoir feru grieusement par oultrance  
Sans esperer den auoir recourance  
Ce noble corps qui fut iadis plain dard  
Dire on pourroit que tu as a prens part  
De belles des biens que tu luy donnes  
Deu quon te doit royal ceptre a couronne  
Rois ducz a princes tous les iours assailte  
Je ne scay pas comme elle te guer donne  
Mais tu luy fais sa part trop grande a bonne  
Car pour elle toutes gens fais faillir  
**Q**ue tauoit fait ce noble a sage prince  
De moy pourquoy tu las rendu st mince  
Dncq ne me fist: il nauoit point me spri;  
Qui te faisoit venir a sa prouince  
Le surprendre du dard qui si fort pince  
En luy faisant faillir tous ses esprits



Duques ne fut de ses ennemis pris  
Et si fut plain de prouesse & baillance  
Trouue se estoit pris de canon & lance  
Picques & dars entre ses ennemis  
Et maintenant en repos & plaisance  
Tu las surprins par vne nonchallance  
Dont plusieurs sont tristes & remis  
**C**estoit celluy qui maymoit si tressfort  
Cestoit mon bien mon soulas mon confort  
Cestoit mon filz / helas iestote sa mere  
Cestoit mon cuer: cestoit tout mon support  
Las ay ie tort se ie fais desconfort  
Pour ceste mort & separance amere  
Faulse attropos plus vile que chymere  
Pourquoy as tu rauy cil qui viuoit  
Honnestement: & qui point ne iuroit  
Las cest celluy qui fist faire deffence  
Que qui le nom de dieu blaphemeroit  
Puny seroit / aussi tant il aymoit  
Tous gens lettrez: que ie meurs quant ie y pese  
**H**a noble filz si trescheualleureux  
Doulx & benyn courtois & amoureux  
Support des bons: aux mauuats mortifique  
Le departir de vous mest douloureux  
Gen ay le cuer si triste & langoureux  
Que mon esperit en est impacifique  
O noble cuer / o vouloit princifique  
Pere des poures / des veues protecteur  
Vous esties des francots le pasteur  
Mais mort vous a fait en terre heberger  
Ha bon Charles plus nestes gouuerneur  
La mort vous a fait laisser tout honneur



Et trespasser aussi tost que Vng bergier  
Et puis quil fault que par Vaulx & môtaigne  
Piteusement aparmoy me complaigne  
En souppirât narre ray de voz faitz  
Premierement auez conquis bretaigne  
Du la duchesse prinstes pour compaigne  
En deschargant voz subietz du grant faiz  
Toujours depuis vostre peuple a eu paiz  
Picardz normans auez entretenuz  
Les bourgoignons se sont aussi tenuz  
De voz amys sans faire aucune guerre  
Et les flamans se sont bien maintenus  
Au roy despaigne de voz grans reuenus  
Auez baille de roussillon la terre  
Passe auez millan & lombardie  
Et quelque chose que le faulx lombard die  
Les auez fait de paour trembler souuent  
Les geneuois & plusieurs ditalie  
Tous voulurent brasser quelque folte  
mais de leurs faitz nest emplus que de vent  
Et dun vouloir tresbenyn & feruent  
Au pape feistes treshumble obeissance  
Puis vous allastes prendre la touyffance  
De cecille ou fustes couronne  
Et se neust este le tour & la nuyffance  
Quon voulut faire en ce pays de france  
Contre les turcz eussiez guerre ordonne  
Et au retour de celle grant conqueste  
Les faulx lombars qui firent si grant queste  
Quilz amasserent bien trente mille estrangiers  
Tous voulurent faire guerre & tempeste  
Mais sur leurs ventres passastes sans requeste



A peu de gens comme conduit des anges  
Puis vous en vinstes rendre louanges  
A saint denys / ou gisez maintenant  
Deux ans apres: non pas incontinent  
Du mois d'auril le tour qu'on dit septiesme  
La fiere mort d'un cruel d'art poignant  
Vous vint ferir: non vostre lieutenant  
En vous rendant tout transy sans nul esme  
**E**n fin auez prins aussi bien que perpes  
Que priamus charlemaigne vltres  
Que cipton: que cesar iulius  
Vous auez prins aussi bien le deces  
Que alexandre: & que polinices  
Ou que citus / cresus & darius  
La mort vous a tous mis & ruez ius  
Et plusieurs autres plains de baillance & bien  
Nul espargne tant soit grant terrien  
Foitble ne fort: elle met tout au bas  
Dire on ne peut quant on meurt. et combien  
On doit viure: le vouloir en est sten  
Brief il n'est point de plus d'angereux pas  
**E**n tant me tais pour le faire plus brief  
De ce feu roy / combien quil me soit grie f  
Ce non obstant a mes ditz ie metz fin  
En esperant que de ce grant meschie f  
Auray de brief guerison & relief  
Au roy loys son parent & affin  
En depriant le createur a fin  
Qu'il le vueille si bien entretenir  
Que ses pays il puisse en paix tenir  
Bien le fera: cest vng prince sans blasme  
Et pour au point retourner & venir



ayons trestous du feu roy souuent  
Et prions dieu sans cesser pour son ame

AMEN

¶ Ensuit la complainte des trois estatz  
Et premierement de noblesse

**D**ontre toy mort douloureuse & despitue  
angoisseuse maleureuse & mauldicte  
Ceste cōplainte ay fondee & escripte  
de cueur courrouce ou nul plaisir nas  
noircy de dueil; & aggraué de paine (bite

Je tapelle de trahison Villaine  
De toy me plains de toute ma puissance  
Dauoir occis le noble roy de france

¶ Complainte de leglise

¶ Je fais tresor des regretz que iamasse  
Et nest vng bien passe que ioubliasse  
Par chascun tour quelque chose quantenne  
Tant que lame en mon corps se tienne  
Ne cesseray de prier pour le feu roy  
Car subiecte y suis & st faire le doy  
Mort est trop fiere en son oultreuidance  
Dauoir occis le noble roy de france

¶ Complainte de labour

¶ Adieu chansons que volentiers chantoye  
Et les beaulx ditz ou ie me delictoye  
Je nay membre quen langueur ne labeure  
Rien ne mest bon, naultre bien ne saueure  
Si me tarde que ia mort de dueil soye  
Sans plus chercher iamais place ne boye  
Contre la mort na point de resistance  
Dauoir occis le noble roy de france

¶ Dieu en ait lame amen













cm  
1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19




cm  
1  
2  
3  
4  
5  
6  
7  
8  
9  
10  
11  
12  
13  
14  
15  
16


























cm  
1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19



cm 1 2 3 4 5 6 7 8 9 10 11 12 13 14 15